

Lapponia Tornensi nuper repertus, foliis submersis ad graminifolios; natantibus autem ad plantaginifolios pertineret. *Potamogeton perfoliatus*, in fluviis rapacioribus foliis lanceolatis instruitur, quo in statu *P. gramineo*, var. *boreali* (Læst. V. A. H. 1825) approximatur. *Alisma Plantago* β . *graminifolia*. *Nymphæa lutea* β . *pumila* γ). *Ranunculus aquatilis*, var. *eradicatus* ζ). *Myriophyllum*

annis 1827, 1830, sed sine fructu maturo. Sparganio natanti e longinquo simillimus. Folia natantia sæpe desunt, tumque nemo sane divinaret, tam propinquum esse *P. natanti*, ut dubium sit an ex illo tuto separari possit. Conf. ulterius huic opellæ addenda I.

γ) *Nymphæa pumila* in rivulis haud profundis nascitur, quibus aqua usque ad fundum hieme congelatur; quare glacies cum aqua vernali e fundo sublata, radices quoque secum tollit, paucis tantum radiculis relictis: ex quibus planta *pumila* seu diminuta et gracilescens crescere pergit: floribus proinde minoribus, foliisque angustioribus, unde ovarium quoque angustatum, sicut tota planta depauperata ob causas supra allatas. En! Exemplum varietatis, quam natura mirando, sed omnibus perspicuo modo formavit. Quis *Nymphæam pumilam* primo obtutu distinctissimam esse speciem non judicaret? Ast cognitis causis nemo est, qui auctoritatem hujus plantæ specificam propugnare vellet.

ζ) α . subaquaneus, caule bi l. 3-pollicari, filiformi; floribus minutissimis, ante explicationem vix semine cannabis majoribus; foliis non proprie capillaribus, sed abbreviatis; radice filiformi, fibrosa. Hab. in stagnis vadosis ex. gr. Karavuopio et Saxajerfvi ad Karesuando Lappon. Tornensis. Cæspitose crescit in fundo, quo etiam floret sub aqua, interstitio 3-pedali ex summitate plantæ ad superficiem aquæ. Æque memorabilis et omnino constans varietas ac Nym-